



**Ministarstvo za ljudska prava i izbjeglice Bosne i Hercegovine  
Agencija za ravnopravnost spolova Bosne i Hercegovine**

**JAVNI POZIV  
GLAVNI KOORDINATOR/ICA FIGAP II PROGRAMA**

**O projektu**

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH, u saradnji sa Gender Centrom Federacije Bosne i Hercegovine i Gender centrom Republike Srpske, izradila je Finansijski instrument za provedbu Gender akcionog plana Bosne i Hercegovine - FIGAP II program (2018 – 2021), kako bi osigurala sredstva za provedbu Gender akcionog plana Bosne i Hercegovine. Cilj FIGAP II programa je da osigura finansijsku podršku institucijama Bosne i Hercegovine, Republike Srpske i Federacije Bosne i Hercegovine, kao i nevladinim organizacijama za provođenje aktivnosti s ciljem unaprjeđenja socio-ekonomskih uslova za muškarce i žene, djevojčice i dječake u Bosni i Hercegovini. Finansijsku podršku za provođenje FIGAP II programa osigurala je švedska Međunarodna razvojna agencija za saradnju (Sida).

Planom aktivnosti za provedbu programa FIGAP II (2018 – 2021), u okviru programskog cilja 4

„Osposobljeni i održivi stručni kapaciteti u Bosni i Hercegovini za uvođenje, primjenu i promoviranje standarda ravnopravnosti spolova“ predviđena je aktivnost „Jačanje materijalnih, tehničkih i ljudskih resursa ARS BiH i entitetskih gender centara“. U okviru navedene aktivnosti predviđeno je da Agencija za ravnopravnost spolova Bosne i Hercegovine Ministarstva za ljudska prava i izbjeglice Bosne i Hercegovine angažuje glavnog koordinatora koji će obavljati sveukupnu koordinaciju implementacije FIGAP II programa.

## **Opis zaduženja glavnog koordinatora/ice FIGAP II programa:**

Koordinaciju između FIGAP II timova vrši Glavni koordinator u Agenciji za ravnopravnost spolova BiH/MLJPI i koordinatori u Gender centru FBiH i Gender centru RS koji su dužni međusobno saradivati, razmjenjivati podatke i informacije o sprovođenju FIGAP II programa. Koordinatorice imenuje Upravni odbor FIGAP II programa, a na prijedlog direktorice Agenciji za ravnopravnost spolova BiH/MLJPI ili direktorice Gender centra RS ili direktorice Gender Centra FBiH.

- Koordinira i blisko saraduje sa koordinatorima/cama FIGAP II programa iz Gender Centra Republike Srpske (GC RS) i Gender Centra Federacije BiH (GC FBiH);
- Priprema Godišnji plan aktivnosti i/ili periodične planove FIGAP II programa za Upravni odbor, a na osnovu planova rada pripremljenih u Gender centru FBiH i Gender centru RS;
- Koordinira i usmjerava rad FIGAP II tima u Agenciji za ravnopravnost spolova BiH (ARS BiH) u skladu sa Planom aktivnosti i budžetom FIGAP II programa;
- Priprema godišnje narativne i finansijske izvještaje o implementaciji FIGAP II programa za period određen godišnjim planom koji uključuje izvještaje ARS BiH, GC FBiH i GC RS, kao i periodične izvještaje na zahtjev Upravnog odbora;
- Prisustvuje i priprema materijale za sastanke Upravnog odbora, u bliskoj saradnji sa koordinatorima/cama FIGAP timova Gender centra FBiH i Gender centra RS,
- Redovno obavještava Upravni odbor o svim situacijama tokom izvršenju utvrđenih prioriteta i zadataka,
- Koordinira sa donatorom/ima FIGAP II programa;
- Obavlja i druge poslove po nalogu predsjedavajuće Upravnog odbora-direktorice Agencije za ravnopravnost spolova BiH;

Glavni koordinator/ica FIGAP II programa za svoj rad odgovara Upravnom odboru FIGAP II programa, odnosno predsjedavajućoj Upravnom odboru FIGAP II programa.

## **Trajanje angažiranosti:**

- 12 mjeseci sa mogućnošću produžetka

Pismo-prijavu sa Vašim Curriculum Vitae dostaviti e-mailom na adresu **protokol.arsbih@mhrr.gov.ba** ili na adresu:

**Ministarstvo za ljudska prava i izbjeglice BiH  
Agencija za ravnopravnost spolova BiH  
Dubrovačka 6,  
71000 Sarajevo**

Rok za prijavu je 7 dana od dana objavljivanja ovog oglasa.